

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U  
TUZLI  
Broj: 32 0 St 464850 24 St  
Tuzla, 18.07.2024.godine

Općinski sud u Tuzli, sudija Antonela Đaković, kao stečajni sudija, odlučujući o prijedlogu za otvaranje stečajnog postupka nad imovinom dužnika „AJA trade“ d.o.o za proizvodnju, trgovinu i usluge Lukavac, Devetak, Magistralni put bb, Lukavac, van ročišta, dana 16.07.2024.godine donio je

## **RJEŠENJE**

**I-OTVARA SE stečajni postupak** nad imovinom dužnika „AJA trade“ d.o.o za proizvodnju, trgovinu i usluge Lukavac, Devetak, Magistralni put bb, Lukavac, matični broj subjekta: 32-01-0140-16, JIB: 4210242870009, broj glavnog računa: 1610000193300059 otvoren kod Raiffeisen bank d.d. BiH.

**II-Stečajni postupak se otvara sa danom 18.07.2023.godine u 12,00 sati**, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

**III-Za stečajnog upravnika imenuje se Mirza Imamović iz Tuzle, ul. Goste Lazarevića br. 30.**

**IV-Pozivaju se povjerioci da u roku od 30 (trideset) dana**, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečajnom postupku o prijavi potraživanja (član 110. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

**V-Pozivaju se povjerioci da u roku od 30 (trideset) dana**, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

**VI-Pozivaju se lica koja imaju obaveze prema stečajnom dužniku da ih bez odlaganja izvrše.**

**VII-Otvaranje stečajnog postupka ima se upisati u sudski registar Općinskog suda u Tuzli, zemljišne knjige Općinskog suda u Živinicama, te kod Službe za urbanističko planiranje, komunalne, geodetske i imovinsko-pravne poslove Grada Živinice.**

**VIII-Ispitno ročište na kojem će se ispitati prijavljena potraživanja **zakazuje se za dan 23.09.2024.godine u 08,30 sati, u zgradi Općinskog suda u Tuzli, ulica ZAVNOBIH-a bb, I Sprat, kancelarija broj 136.****

**IX-Skupština povjericilaca (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se istog dana 23.09.2024.godine na istom mjestu nakon ročišta za ispitivanje prijave potraživanja.**

**X-Rješenje** o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.

### **O b r a z l o ž e n j e**

Predlagač „AJA trade“ d.o.o. Lukavac, putem zastupnika po zakonu podnio je ovom sudu dana 24.05.2024.godine prijedlog za otvaranje stečajnog postupka nad navedenim dužnikom, radi platežne nesposobnosti navedenog dužnika, jer isti ne ispunjava svoje novčane obaveze.

Nakon razmatranja prijedloga, te ročišta o saslušanju predlagača i dužnika, sud je rješenjem od 13.06.2024.godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika na osnovu odredbe člana 61. i 63. Zakona o stečaju FBiH (Službene novine F BiH, broj 53/21).

Privremeni stečajni upravnik je u spis suda dostavio izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka dana 15.07.2024.godine. Na osnovu odredbe člana 102. stav 1. i 2. Zakona o stečaju FBiH (Službene novine F BiH, broj 53/21) zakazano je ročište radi ispitivanja uslova za otvaranje stečajnog postupka i razmatranja izvještaja privremenog stečajnog upravnika, na kojem je saslušan privremeni stečajni upravnik i predlagač, te isti nije imao primjedbi na Izvještaj privremenog stečajnog upravnika o provedenom prethodnom postupku dostavljenog sudu dana 15.07.2024.godine. Iz izvještaja privremenog stečajnog upravnika koji je razmatran na ročištu dana 18.07.2024.godine proizilazi da dužnik ne posjeduje vlastite poslovne prostorije, a prema izjavi direktora društva, društvo ne posluje od 2022. godine, isto nije nije vlasnik niti jedne nekretnine, a u društvu nema zaposlenih lica. Poslovanje društva u posljednje dvije godine je nerentabilno i neekonomično, te se iz bilansa uspjeha može uvidjeti konkretan uzrok prestanka poslovanja, neostvarivanje prihoda. Dužnik je u toku prve polovine 2022. godine relativno dobro poslovao. Međutim od ljeta 2022. godine onemogućena mu je nabavka novih količina robe. U tom periodu napušta prodajni objekat, te zalihe sirovina i materijala seli u obližnje privremeno skladište. U toku 2023. godine dužnik je poslovao bez ostvarivanja prihoda. Obzirom na činjenicu da Društvo ne posluje u zadnje 2 godine, ne ostvaruje prihode, a računi dužnika su blokirani nemoguće je očekivati nastavak poslovanja Društva.

Prema podacima iz bilansa stanja na dan 31.12. 2023. godine akumuliran gubitak iskazan je u iznosu od 187.456,00 KM. Stečajni upravnik je analizirajući strukturu i vrijednost imovine zaključio da društvo prema knjigovodstvenim podacima ima imovine, čija likvidaciona vrijednost po slobodnoj procjeni privremenog stečajnog upravnika iznosi oko 17.000,00 KM, i to:

- Postrojenja, oprema i namještaj iskazani u bilansu stanja na dan 31.12.2023.godine u iznosu od 8.389,00 KM odnose se na kancelarijski namještaj, police, stalaže, elektronsku opremu, fiskalnu kasu i software

- Sirovine i materijal, gotovi proizvodi i roba iskazani u Bilansu stanja u iznosu od 127.872 KM odnose se na dijelove za kade i tuš kabine te ostalu sanitariju, elektro i vodo i kanalizacioni materijal. Većina navedenog se nalazi na otvorenom prostoru izloženo raznim atmosferskim uticajima što je uzrokovalo u znatnoj mjeri obezvređivanju imovine.
- Potraživanja od kupaca prikazana u Bilansu stanja u iznosu od 47.300 KM su nenaplativa. Računovodstvena i knjigovodstvena evidencija nije ažurno vođena. Pored toga veliki dio potraživanja je pokriven obavezama dužnika prema povjericima i ista su uglavnom zastarjela.
- Novac i novčani ekvivalenti prikazani u Bilansu stanja u iznosu od 1.921 KM kod dužnika ne postoje.
- Ukupne obaveze dužnika prema Bilansu stanja na dan 31.12.2023. godine iznose 435.852 KM. Stvarno stanje obaveza u ovom momentu nije moguće utvrditi. Ukupne obaveze se mogu utvrditi tek nakon podnesenih prijava potraživanja povjerilaca.

Podnositelj prijedloga za otvaranje stečajnog postupka je stečajni dužnik, a stečajni dužnik odnosno odgovorno lice dužnika je podnio prijedlog za otvaranje stečajnog postupka u roku od 60 dana, od dana nastanka platežne nesposobnosti.

Na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, a iz sredstava uplaćenih na ime pokretanja prethodnog postupka za utvrđivanje uslova za otvaranje stečajnog postupka (uplaćeno 3.000,00 KM) mogli bi se finansirati troškovi postupka do otvaranja stečajnog postupka, o čemu se izjasnio i privremeni stečajni upravnik na ročištu za ispitivanje uslova za otvaranje stečajnog postupka od 15.07.2024.godine. Shodno navedenom, sud smatra da su ispunjeni uslovi za otvaranje stečajnog postupka nad imovinom dužnika.

Sud je shodno odredbi člana 102. stav 9. a u vezi sa članom 6. Zakona o stečaju F BiH (Službene novine F BiH broj 53/21), odlučio kao u izreci rješenja.

Odluku o imenovanju stečajnog upravnika, sud je donio shodno odredbi člana 104. stav 1. Zakona o stečaju F BiH (Službene novine F BiH broj 53/21), a nakon što je utvrdio da isti ispunjava uslove utvrđene odredbom člana 71. istog zakona.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio na osnovu člana 106. Zakona o stečaju F BiH (Službene novine F BiH broj 53/21).

Odluku o objavljivanju otvaranja stečajnog postupka, sud je donio shodno odredbi člana 107. stav 1. Zakona o stečaju F BiH (Službene novine F BiH broj 53/21).

Na osnovu odredbe člana 105. Zakona o stečaju F BiH (Službene novine F BiH broj 53/21), sud je uputio odgovarajuće pozive povjericima i dužnicima stečajnog dužnika.

Upis otvaranja stečajnog postupka u javne registre određen je na osnovu odredbe člana 108. Zakona o stečaju F BiH (Službene novine F BiH broj 53/21).

**Stečajni sudija**

**Antonela Đaković**

**POUKA O PRAVNOM LIJEKU:** Protiv ovog rješenja žalbu može uložiti stečajni dužnik. Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku pet radnih dana od dana objave rješenja u Službenim novinama F BiH. Žalba iz prethodnog stava ne odlaže izvršenje rješenja.